

P. 65, L. 2【實相心是觀智心本】通理《金剛新眼疏經偈合釋》卷 1：「**實相**者，心本無相，以遠離虛妄，真實有體，不可破壞，無相之相，強名實相。此亦**即是心體**，可同金剛之堅。**觀照**者，心本非照，以遠離分別，真明皎然，有執皆破，無照之照，強名觀照。此亦**即是心用**，可同金剛之利。法喻合明，故云金剛般若。以斯命名，蓋欲眾生即金剛之堅利，識般若之體用。因中破執，依實相而起觀照；果中證理，依觀照而契實相。如珠發光，光照珠體。故知下之涅槃彼岸，即是究竟實相，曾無一法從外來者。」(X25,pp.240c19-241a3)《中觀論疏》卷 5〈5 六種品〉：「如經云『無色無形無對，一相無相』，不知何以目之，強稱實相。由實相故生波若，故眾行立、萬德成。」(T42,p.72b23-25)

P. 65, L. 4【三觀、三慈】法緣慈：觀一切法皆空，眾生本空，法亦如幻；菩薩以六度幻法，隨緣濟度十法界本空之眾生，弘誓徧周法界，但於其中，無能度所度，卻可慈心不退。眾生緣慈：以俗諦為體，修假觀、生緣慈，知十法界眾生皆即空、假、中，緣此即空假中之有情，一一皆作父母、善友等想，皆作報恩想。無緣慈：不緣十界五蘊法相，亦不緣假名眾生，唯緣中道佛性，了三千諸法，一一當體即中，修中觀，中道之外，更無別法，能所頓絕，與拔難思。

P. 65, L. -2【一名備無量義】《法華經要解》卷 1〈序品第一〉：「此經以智立體，故文殊居首。蓋文殊具大智妙德，為法身體、為諸佛師、為世間眼，開佛知見莫先於此，餘各表此經之一德也。觀音助智行悲，大勢具大德用，精進念不退轉，不息億劫勤修，寶掌掌握法寶，藥王應機發藥，勇施一切能捨，寶月覺體明淨，月光能除癡闇，滿月兼上二德，大力負荷大法，無量力對境不動，越三界不現身意，跋陀羅善護正見，彌勒以慈續佛，寶積能聚能利，導師導邪入正。此八萬之上首，一經之表法也。蓋由大智開佛知見，而助智以悲，歷備眾德，乃至導邪入正，則一乘之體具，萬行之用全矣。不列普賢者，自觀音已下，皆普賢之行，但初且以智立體，開佛知見，終至以行成德，乃見普賢，各專表也。」(X30,p.282b13-c1)極樂世界兩大菩薩：觀世音、大勢至，列於上首之前三名，足見極樂世界中也必教授此經！

P. 65, L. -1【大經云】《大般涅槃經》卷 20〈8 梵行品〉：阿闍世王「我遇惡知識，造作三世罪，今於佛前悔，願後更莫造。願諸眾生等，悉發菩提心，繫

心常思念，十方一切佛。復願諸眾生，永破諸煩惱，了了見佛性，猶如妙德等。」

(T12,p.485a26-b2)

P. 65, L. -1【思益經云】《思益梵天所問經》卷 3〈7 談論品(三)〉：諸菩薩自言何故名為菩薩？「文殊師利法王子言：「若菩薩雖說諸法，而不起法相、不起非法相，是名菩薩。」」(T15,p.49a18-20)

P. 66, L. 1【悲華經云】《悲華經》卷 3〈4 諸菩薩本授記品〉：「我行菩薩道時，願令我所化十方無量無邊諸佛世界所有眾生，發阿耨多羅三藐三菩提心，安止於阿耨多羅三藐三菩提心，勸化安止於六波羅蜜者，願令先我悉於十方一一方面，如恒河沙佛剎微塵數等諸佛世界成佛說法，令我爾時以清淨天眼悉遍見之。願我為菩薩時，能作如是無量佛事，我於來世行菩薩道無有齊限……諸菩薩等皆是一生，無有一人生於餘處，惟除他方當成佛者，處兜術天命終成阿耨多羅三藐三菩提。世尊！我行菩薩道時，無有齊限，要當成是微妙果報清淨佛土，一生菩薩充滿其中，是諸菩薩無有一人非我所教，初發阿耨多羅三藐三菩提心，安止六波羅蜜者，如是菩薩，皆是我初教發心，安止六波羅蜜……願我當來壽命無量無能數者，除一切智，菩薩壽命亦復如是。……爾時，佛告第三王子：『善男子！善哉！善哉！汝是純善大丈夫也。聰叡、善解、能作如是甚難大願。所作功德甚深甚深，難可思議，微妙智慧之所為也。汝善男子！為眾生故，自發如是尊重之願取妙國土，**以是故今號汝為文殊師利。**」(T03,pp.187 a7-188a29)

P. 66, L. 3【在北方歡喜世界作佛】《央掘魔羅經》卷 4：「爾時，世尊告波斯匿王言：「北方去此過四十二恒河沙剎，有國名常喜，佛名**歡喜藏摩尼寶積如來**、應供、等正覺，在世教化。彼土無有聲聞緣覺，純一大乘無餘乘名，亦無老病眾苦之名，純一快樂，壽命無量，光明無量，無有譬類，故國名常喜。佛名歡喜藏摩尼寶積如來、應供、等正覺，王當隨喜合掌恭敬。彼如來者豈異人乎？文殊師利即是彼佛。若有眾生向央掘魔羅、文殊師利恭敬作禮，若復聞是二人名者，見歡喜國如見自家，聞彼名故常閉四趣，或以戲笑或隨順他，或為名利，此及外道，或犯重禁五無間罪，亦閉四趣。」(T02,p.543b10-21)《翻譯名義集》卷 1〈6 菩薩別名篇〉：「《首楞嚴經》說：「是過去無量阿僧祇劫，有佛號龍種上尊王佛。」《央掘經》說：「是現在北方常喜世界，歡喜藏摩尼

寶積佛。」慈恩《上生經疏》引經云：「未來成佛，名曰普現。」(T54,p.1061b23-27)

P. 66, L. 6【梵云】觀世音，梵名 Avalokiteśvara，音譯「阿縛盧枳低濕伐羅」。另一梵名為 Āryāvalokiteśvara，音譯「阿唎耶跋盧枳鞞釁筏囉」，為聖觀世音之義。《大悲咒》：「南無喝囉怛那哆囉夜囉 南無阿唎囉 婆盧羯帝爍鉢囉囉 菩提薩跢婆囉 摩訶薩跢婆囉」(T20,p.107b25-27)「皈依三寶，皈依聖觀世音菩薩摩訶薩。」

P. 66, L. 7【下文約事釋】《法華文句記》卷2〈釋序品〉：「觀心中，釋初二字與下不殊，但第三字與下稍別。下約事釋，以所被為音，此約能觀，以所宣為音。由觀故設教，故云『觀是語本』。」(T34,p.184c23-26)「下文」：第25品〈普門品〉，本書 p. 716。

P. 66, L. 8【大勢至】《妙法蓮華經文句》卷2〈序品〉：「《悲華》云：『願我世界如觀世音等無有異。』寶藏佛言：『由汝願取大千世界故，今當字汝為大勢至。』」(T34,p.23,a26-28)《法華文句記》卷2〈釋序品〉：「大勢至者，《思益》約行，《悲華》約願，《思益》約威勢以釋勢，正當字義。「取大千」者，以世釋勢，勢力取世，不違其志，以志大故，故佛記之。志取世故，亦名世志。若作四悉者，思益世界，悲華為人、對治，「寶藏佛」去，第一義也。亦闕約教。本迹例前擬後可知。」(T34,p.184,c26-p.185,a3)《文句》及《記》中無《觀經》文，但此二文甚為要緊，故蕩益大師摘出令知。

知禮《觀無量壽佛經疏妙宗鈔》卷6：「光照十方，故立無邊光為名。令三途人得佛十力，故立大勢至為名也。行者應知，即舉身光名智慧光，以是隣極色心不二。若不爾者，焉得色相名為法身？」(T37,p.227b8-11)

故知：非但「色心不二」、「色相即法身」，並且如華嚴之「事事無礙」境界故，見菩薩正報「一毛孔光」即見「十方諸佛淨妙光明」，其中可明：「依正不二」、「大小無礙」、「一多相即」等無礙境界。